



Vita de ploania y de paisc

- **I laun la dlijia:** en **lönesc, ai 1 de jügn** vegnel perié i jogn da gní dles 19:00 ennant a stöpé jö la dlijia; en **dedolönesc, ai 2 de jügn**, dales 8:00 ennant, **é düc chi sciafia - ei y eres** (forsc deplü co i ultimi agn) - peries da gní a laé la dlijia.
- **Iolan dl'oferta** en recort dla † Maria Maneschg ved. Frontull: Caterina y Pire Clara por la dlijia.
- **La Musiga d'La Pli** envieia der bel al **concert de Pasca de ma**, ai 24 de ma, ales 20:30 te Ciasa dles Uniuns.
- **La Joneza da Paur dla Pli** envieia der bel ei/eres, jogn/jones dai 16 agn ensö al **bal dla Joneza da Paur en sabeda ai 30 de ma** ales 21:00 te Ciasa dles Uniuns. Te salf sarál „Die Südtiroler Mander“ co se crüzará dal entratenimont musical y por chi co á veia de musiga plü da sbunf sarál „DJ Luca“. La Joneza da Paur s'enconforta da s'odei en trec.

1 Informaziuns y termins

KVW Senioreclub: en jöbia ai 28 de ma, piunse ia con en bus dal Cone demez ales 8:00 por jí a Longarone; danló vijites acompagnades. Bus y acompagnadú paia la cassa dai Seniors. La marena costa 25,00 €. Da se prenoté pa Lidia Taibon, ☎ 339 7899107.

Iade a Assisi: l'Unité pastoral Val Badia envieia a en iade a Assisi con Christian Ferdigg por ca. 20 porsones **dai 3 ai 6 de iuli**. Le prisc a porsona te na ciamena dopla é de 470,00 €. Tal prisc a porsona él lapró le iade con le bus dala Val Badia demez cina a Assisi y endo zoruch, 3 nets tal Hotel Belvedere con gosté y 3 cenes tal restaurant La Rocca. I vijitarun i posc plü bi y simbolics dla spiritualité francescana tla ciüté de san Francesch y Santa Chiara. Al ne manciará gnanca la pert storich-artistica, val' picia spazirada tla bela contrada umbra y ince la pert eno-gastronomica y n'aorela cörta plajora y ligherzina ciafará söa lerch. Por iscriziun y enformaziuns podeise cherdé sö o scrí ala Holimites: ☎ 0471 838022, E-mail: iadi@holimites.com

„Der heilige Geist schafft einen neuen Mut,
dass der Mensch vor Gott fröhlich wird und Liebe zu ihm gewinnt
und den Leuten mit fröhlichem Gemüte dient.“

Martin Luther

Döt le bun a: Anna Trebo Niederkofler, *Bolser/Antholz* * 23.05.1942
Jan Rindler * 24.05.1932
Albert Willeit, *Al Plan* * 24.05.1939
Maria Vollmann Crazzolaro * 26.05.1951
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo, Roman Frontull
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



Ann A

24.05.2026 - GRAN FESTA DE PASCA DE MA

n. 26

La scincunda dal Spirito Sant

📖 **St.Ap 2, 1–11 | 1 Cor 12, 3b–7.12–13 | Jan 20, 19–23**

La festa de Pasca de Ma nes recorda che le Spirito Sant é gnü jö sön i apostui y sön Maria, oma dal Salvatur: Pasca de Ma é la festa dla fondaziun dla Dlijia, por dí so bato. Le vangelo y les letöres dla festa nes dá resposta ales domandes co nes lascia odei cares co é les operes dal Spirito Sant danter y te nos: el daür les portes slütes y sarades dala tema, i ten bot al picé, cuncia ci co é rot, varesc ci co é amaré. El ti dá forza a nostes parores, ch'ares sii bones da superé despartiziuns danter popui y lingac. Le Spirito Sant fej che i bacés poi porté pro, vignönn a söa manira y do so carisma, a formé te „önn en Spirito su y te önn en Corp su“ la Dlijia, le popul de Dio. da "Bibia di Sandís"

Dal Vangelo do San Jan:

¹⁹La sera dal pröm de dal'edema, canche i discepu i á, dala tema dan dai iüdes, saré pro les portes, él gnü Gejú, é jü amesa ei ete y ti á dit: Pêsc a os! ²⁰Do cöstes parores ti ál mostré söes mans y so costá. Danló se ralegrâ i discepu da odei le Signur. ²¹Gejú ti á ciamó n iade dit: Pêsc a os! Desche le Pere m'á mené me, enciö ves meni iu os. ²²Do ch'al á albü dit cösc, ti ál fladé ados y ti á dit: Ciafede le Spirito Sant! ²³A chi co os ti lasceis do i picés, ti éσαι lascés do; y a chi co os ne ti i lasceis nia do, ne ti éσαι nia lascés do.



... al ti á fladé ados y ti á dit:
Ciafede le Spirito Sant!
Jan 20, 22

📖 *Letöres dla Gran Festa dla SS. Trinité:*
Es 34, 4b.5–6.8–9 | 2 Cor 13, 11–13 | Jan 3, 16–18

Edema liturgica dai 24.05. ai 31.05.2026	
DOM 24.	GRAN FESTA DE PASCA DE MA <i>Ester, Dagmar</i>
08:15	gran messa por dōta la ploania 🎵 <i>W.A. Mozart, "Missa brevis in B dur"</i> s.m. de rengraziamont dla fam. Pasquale y Brigitte Kastlunger s.m. d'aniversar por † Hubert Frontull, dal Casun s.m. d'aniversar por † Franz Taibon, dal Bas oferta por la ploania
→	adoraziun eucaristica por dōta la comunité
→ 14:30	espi da festa y benedisciun eucaristica
Lön 25.	LÖNESC DE PASCA DE MA, Maria, Oma dla Dlijia <i>al va ennant le tomp ia por l'ann Gregor VII., Maria Magdalena da Pazzi</i>
08:15	gran messa por dōta la ploania s.m. d'aniversar por † Oliva Ellemunter ved. Ellecosta, Taibun s.m. d'aniversar por † Angela Frena ved. Rovara s.m. por †† Otto y Jep Ellecosta, Stifler
→	adoraziun eucaristica por dōta la comunité
Ded 26.	<i>Filip Neri, Maria Anna</i>
07:30	<i>s.m. a Antermeia</i>
Dem 27.	<i>Augustin da Canterbury, Bruno</i>
Jöb 28.	<i>German, Wilhelm</i>
07:30	<i>s.m. a Rina</i>
→ 19:00	funziun de rengraziamont dai mituns y dles mitans dla Pröma Comegnun
Ven 29.	<i>Paolo VI., Sisinus, Martyrius y Alexander</i>
07:30	<i>s.m. a Al Plan</i>
Sab 30.	<i>beat Otto Neururer</i>
→ 06:30	röa adalerch la prozesciun da Valsperch, s.m. do entenziun
18:00	<i>s.m. prefestia a Al Plan</i>
DOM 31.	GRAN FESTA DLA SS. TRINITÉ <i>Petra, Metilde, Aldo</i> Domegna dles families
08:15	gran messa por dōta la ploania oferta por la ploania s.m. d'aniversar por † Angelo Taibon, Gran Ciasa s.m. por †† Angelica y Jep Ellecosta, Stifler s.m. por †† Josef y Rosa Obkircher, Völs
10:00	<i>gran messa a Al Plan</i>
<i>ampola:</i>	por la familia Maneschg, La Costa dessot
<i>ministronc:</i>	lönesc y sabeda: Annika Huber y Melanie Mutschlechner domegna: Jan Palfrader y Mark Palfrader, Timea Willeit y Isabel Erlacher
<i>i recordun:</i>	Angela Frena ved. Rovara † 27.05.2021 Hubert Frontull † 27.05.2022



En flé lesier de speranza (Jan 20, 19–23)

I ponsi do

Encö él na gran festa, desco Pasca y Nadé: al é festa dal Spirito Sant co renoveia sōa presenza tla Dlijia. Encö gnunse emplís da nō con cōsta scincunda co é forza, coraji, sapionza, bunté, pêsc y ligreza. Le picé â motü sotissora y despartí la jont, le Spirito la condüj endô adöm y porta la pêsc ciodi ch'al tol demez la raisc dal mal.

I preii ensciö

En chel de él sté en flé lesier co ti á dé speranza y fidonza ai amisc desplajüs. Encö él n ont sterch co ti dá forza y sügherté. Na löm debbla ti á mostré ai discepui en chel de tal cenacolo le müs dal Maester rosserí. Encö él en fū liront y lominus te ei co mostra ala jont le splendor de chel müs. Tl'aria dal de do la Sabeda sonton ciamó le dolur dal tradimont. Chi co ne cherdea nia da odei le Signur, chi co ea jüs endalater dala tema é encö testimoni fedei y portadus de unité. Al é le Spirito co müda la vita, chera dai discepui y chera de düc i credenc. Ma te el ciafunse la forza da empié le monn d'amur. Söes scincundes porta pêsc tai cōrs y arvenn l'umanité sōn trus de iustizia y unité. Ví ciamó, o Spirito Sant, desco ont co porta speranza, desco löm co empeia l'amur, desco usc co se condüj adöm düc y se fej fredesc por dagnora.

Walter Cazzaniga, Parola amica – Il Vangelo della domenica per ragazzi



Mena fora to Spirito

Mena fora to Spirito
sora jogh y vedli
sora ei y eres
sora conesciüs y foresc
sora orient y ozident.

Mena fora to fū
tal cōr dles porsones
tla bocia dles porsones
tai edli dles porsones
tles mans dles porsones.

Mena fora to fle
sora chi co crei
sora chi co dubiteia
sora chi co s'ó bun
sora chi co é susc.

Mena fora to fū
sora les parores dles porsones
sora le scuté dles porsones
sora le lingaz dles porsones
sora les ciances dles porsones.

Mena fora to fle
sora düc chi co laora por le dagní
sora chi co manten le bun
sora chi co ciara dla vita
sora chi co crei te val' de bel.

Mena fora to Spirito
sora les abitaziuns dles porsones
sora les ciütés dles porsones
sora le monn dles porsones
sora dōta la jont de bona orenté.

Mena sora nos to Spirito,
atló, segn y dagnora.

da „Parores por vigni momënt“